

Broj: 11-1590-11/17.
Sarajevo, 13.02.2018. god.

Na osnovu člana 64. stav (1) tačka b), člana 70. stav (1) i (3) Zakona o javnim nabavkama Bosne i Hercegovine („Službeni glasnik BiH“ br. 39/14), Rješenja broj: JN2-03-07-1-90-9/18 od 08.02.2018.godine Ureda za Razmatranje žalbi, Filijala u Mostaru u ponovljenom postupku ocjene kvalificiranosti dostavljenih ponuda u postupku nabavke prirodnih i gaziranih sokova i ostalih napitaka za potrebe KJU „Gerontološki centar“ Sarajevo i člana 42. stav (2) alineja e) Pravila Kantonalne javne ustanove „Gerontološki centar“ Sarajevo, po preporuci Komisije za javne nabavke broj: 11-1590-10/17 od 12.02.2018. godine, Direktor Kantonalne javne ustanove „Gerontološki centar“ Sarajevo, d o n o s i:

ODLUKU o izboru najpovoljnijeg ponuđača

1. U otvorenom postupku javne nabavke **prirodnih i gaziranih sokova i ostalih napitaka** za potrebe Kantonalne javne ustanove „Gerontološki centar“ Sarajevo, prihvata se preporuka Komisije za javne nabavke prema Zapisniku o pregledu i ocjeni ponuda za dodjelu ugovora, broj: 11-1590-10/17 od 12.02.2018.godine i **ugovor za nabavku prirodnih i gaziranih sokova i ostalih napitaka** za period **od tri godine**, dodjeljuje se ponuđaču „LALA IT.AČO“ d.o.o., ul. Prvog maja br. 14., Bijeljina (Ponuda broj: 1988/17 od 04.12.2017.godine), za ponuđenu cijenu u iznosu od **40.074,30 KM bez PDV-a**, odnosno **46.886,94 KM sa PDV-om**.

2. Prijedlog okvirnog sporazuma i ugovora o nabavci dostavit će se na potpis izabranom ponuđaču u roku od 10 dana, računajući od dana kada je ponuđač obaviješten o izboru.

3. Za izvršenje ove Odluke zadužuje se Služba za pravne i opće poslove KJU „Gerontološki centar“ Sarajevo.

4. Shodno članu 70. stav (6) Zakona o javnim nabavkama, ova Odluka će se objaviti na web stranici www.gcs.com.ba istovremeno sa upućivanjem ponuđačima koji su učestvovali u postupku javne nabavke.

5. Shodno članu 71. stav (2) Zakona o javnim nabavkama ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke.

O b r a z l o ž e n j e:

Postupak javne nabavke **prirodnih i gaziranih sokova i ostalih napitaka** za potrebe Kantonalne javne ustanove „Gerontološki centar“ Sarajevo pokrenut je Odlukom broj: 11-1590/17 od 30.10.2017.godine.

Javna nabavka je provedena putem otvorenog postupka za dostavu ponuda.

Procijenjena vrijednost javne nabavke za period od tri godine bez PDV-a iznosi maksimalno 45.000,00 KM.

Na osnovu obavještenja o nabavci broj: 897-1-1-118-3-22/17, objavljeno 09.11.2017. godine na Portalu javnih nabavki, Ispravke za obavještenje o nabavci broj: 897-1-1-118-8-26/17, objavljena dana 21.11.2017. godine na Portalu javnih nabavki, sažetka obavještenja o nabavci objavljen u Službenom glasniku BiH broj 81/17. dana 10.11.2017.godine, sažetka ispravke za obavještenje o nabavci objavljen u Službenom glasniku BiH broj 84/17. dana 24.11.2017.godine i izvještaja o preuzimanju tenderske dokumentacije od strane ponuđača, tendersku dokumentaciju su preuzeli:

1. GOLD MIGNON d.o.o.,
2. BBS Europe
3. VITA LIFE
4. GRAFIKON d.o.o.,
5. TP DC Sarajevo dd.,
6. REDEX d.o.o. Banovići,
7. VINOJUG d.o.o.,
8. BOSNA-KOM d.o.o. Gračanica,
9. GOLD PROMEX d.o.o. Novi Travnik,
10. LALA I LAČO d.o.o. Bijeljina,
11. DOO PETROL -P,
12. VITINKA AD KOZLUK,
13. INTER-COM d.o.o. Zenica.

Komisija za javne nabavke je imenovana Rješenjem broj: 11-191/17. od 13.02.2017. godine.

Krajnji rok za dostavu ponuda je bio 07.12.2017. godine u 10:30. Istog dana u 11:30 sati je izvršeno javno otvaranje prispijelih ponuda na kojem je prisustvovao predstavnik ponuđača VINOJUG d.o.o. Sarajevo – Resić Amer.

Dana 17.11.2017. godine u 8:36 sati, ponuđač „Lala i Lačo“ doo iz Bijeljine, je putem e-maila i putem portala javnih nabavki, postavio pitanje kojim traži pojašnjenje tenderske dokumentacije, odnosno pojašnjenje opisa određenih artikala iz Specifikacije za kontinuiranu nabavku prirodnih i gaziranih sokova i ostalih napitaka.

Na osnovu navedenog zahtjeva, ugovorni organ je sačinio pojašnjenje i izmjenu tenderske dokumentacije broj 1., koju je dana 20.11.2017. godine u 14:42 sati, postavio na portal javnih nabavki.

Dana 21.11.2017. godine u 8:47 sati, ponuđač VINOJUG d.o.o. iz Sarajeva je zamolio, obzirom da je došlo do izmjene tenderske dokumentacije, a već su popunili artikle, da im se dostavi obrazac za cijenu ponude, da ne bi morali stavljati na svakoj stavci potpis i pečat ispravke.

Ugovorni organ je odgovorio na pitanje ponuđača VINOJUG d.o.o. iz Sarajeva i postavio odgovor na portal javnih nabavki dana 21.11.2017. godine u 11:51 sati.

Ponuđač „Lala i Lačo“ doo iz Bijeljine je dana 21.11.2017. godine u 8:55 sati, na portalu javnih nabavki postavio pitanje vezano za preuzimanje izmijenjene tenderske dokumentacije, jer su naišli na nemogućnost za preuzimanje iste, obzirom da je period za preuzimanje tenderske dokumentacije istekao, pa su zamolili da se navedeni problem riješi.

Ugovorni organ je sačinio izmjenu tenderske dokumentacije broj 2. i izvršio ispravku obavještenja o nabavci, te je na taj način riješen problem nemogućnosti preuzimanja izmijenjene tenderske dokumentacije sa portala javnih nabavki. Ispravka obavještenja o nabavci je objavljena dana 21.11.2017. godine u 11:46 sati na portalu javnih nabavki.

Dana 22.11.2017. godine u 11:04 sati, ponuđač „Lala i Lačo“ doo iz Bijeljine je uočio da u izmjeni tenderske dokumentacije od 21.11.2017. godine, kod posljednja četiri artikla iz Obrasca za cijenu ponude, nije izvršena izmjena, dok je opis u specifikaciji drugačiji, pa su zamolili da se Obrazac za cijenu ponude uskladi sa specifikacijom.

Ugovorni organ je sačinio izmjenu tenderske dokumentacije broj 3., i istu dana 22.11.2017. godine u 14:10, postavio na portal javnih nabavki.

Ugovorni organ je izvršio izmjenu tenderske dokumentacije br. 4., kojom se tačka 6.1.3. izmijenila u pogledu načina narudžbe i isporuke robe, te je u skladu sa tom izmjenom izvršena izmjena u Aneksu 12. u Naertu Okvirnog sporazuma i Ugovora. Izmjena broj 4. tenderske dokumentacije je postavljena na portal javnih nabavki dana 30.11.2017. godine.

Ugovorni organ je izvršio ispravku izmjene broj 4. tenderske dokumentacije, te je istu objavio na portalu javnih nabavki dana 01.12.2017. godine.

Na javnom otvaranju ponuda je sačinjen Zapisnik u kome je konstatovano da su za navedenu nabavku ponudu podnijeli sljedeći ponuđači:

1. LALA I LAČO d.o.o., ul. Prvog maja br. 14., Bijeljina,
2. TP DC Sarajevo d.d., ul. Rajlovačka bb, Sarajevo,
3. VINOJUG d.o.o., ul. Igmanska br.2-4., Sarajevo.

Komisija za javne nabavke je dostavila dana 12.02.2018. godine Zapisnik o pregledu i ocjeni ponuda broj: 11-1590-9/17 od 12.02.2018. godine i Izvještaj o radu Komisije za javne nabavke i preporuka za dodjelu ugovora, broj: 11-1590-10/17 od 12.02.2018. godine.

U postupku po Zapisniku o pregledu i ocjeni ponuda i Izvještaju o radu Komisije za javne nabavke je utvrđeno da je Komisija blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3,
- da su blagovremeno zaprimljene 3 ponude,
- da nema neblagovremeno zaprimljenih ponuda,
- da su pristigle ponude ponuđača:
 1. LALA I LAČO d.o.o., ul. Prvog maja br. 14., Bijeljina,
 2. TP DC Sarajevo d.d., ul. Rajlovačka bb, Sarajevo,
 3. VINOJUG d.o.o., ul. Igmanska br.2-4., Sarajevo.

Nakon dostavljanja Rješenja broj: JN2-03-07-1-90-9/18 od 08.02.2018.godine Ureda za Razmatranje žalbi, Filijala u Mostaru u ponovoljenom postupku ocjene kvalificiranosti dostavljenih ponuda u postupku nabavke prirodnih i gaziranih sokova i ostalih napitaka za potrebe KJU „Gerontološki centar“ Sarajevo, izvršena je suštinska provjera i analiza dostavljene dokumentacije, odnosno verifikacija kvalifikacija ponuđača prema kriterijima i kvalifikacionim uvjetima utvrđenim Tenderskom dokumentacijom i prema preporukama Ureda za razmatranje žalbi iz navedenog Rješenja. Komisija je utvrdila da je jedina prihvatljiva i kvalifikovana ponuda ponuđača „LALA I LAČO“ d.o.o., ul. Prvog maja br. 14., Bijeljina, a da dostavljene ponude ponuđača „TP DC“ Sarajevo d.d., ul. Rajlovačka bb, Sarajevo i „VINOJUG“ d.o.o., ul. Igmanska br.2-4., Sarajevo ne zadovoljavaju selekzione kriterije, zbog čega nisu ispunile uvjete za učešće u daljem postupku, a iz sljedećih razloga:

I Ponuđač „VINOJUG“ d.o.o. Sarajevo

1) Tačkom 7.4.2. pod b) Tenderske dokumentacije, broj: 11-1590-1/17 od 30.10.2017. godine, propisano je da se tehnička i profesionalna sposobnost ponuđača utvrđuje na osnovu sljedećih dokaza: „*Fotografije roba: za artikle iz tačke 13., 14., 15., 16., 23., 24., i 25. Specifikacije, slike formata A4 za svaki artikal posebno, u koloru sa jasnom rezolucijom, ovjerene pečatom ponuđača, čvrsto uvezane i numerisane prema rednom broju iz Specifikacije i Obrasca za cijenu ponude. Fotografija mora biti jasna da bi se njom dokazao traženi opis artikla iz Specifikacije i mora sadržavati: naziv proizvoda, kategorizacija i/ili klasa ponudene robe, naziv proizvođača, zemlja porijekla*“.

Imajući u vidu zahtjev iz tačke 7.4.2. pod b) Tenderske dokumentacije, suštinskom analizom sadržaja dostavljene dokumentacije, Komisija za javne nabavke je utvrdila da je ponuđač „VINOJUG“ d.o.o. Sarajevo, u svojoj ponudi broj: 7-12-1 od 07.12.2017. god., dostavio tražene fotografije roba, ali ne na način kako je zahtijevano tenderskom dokumentacijom, obzirom da nije numerisao dostavljene fotografije roba prema rednom broju iz Specifikacije i Obrasca za cijenu ponude.

2) *Tačkom 8.2.1. Tenderske dokumentacije navedeno je koje elemente ponuda treba da sadrži, tako da je između ostalog zahtijevano sljedeće:*

- *pod d) Izjava ponuđača, ovjerena i potpisana od strane lica ovlaštenog za zastupanje, koja je data u Aneksu 2. tenderske dokumentacije.*

Imajući u vidu zahtjev iz tačke 8.2.1. Tenderske dokumentacije broj: 11-1590-1/17 od 30.10.2017. godine, suštinskom analizom sadržaja dostavljene dokumentacije, Komisija za javne nabavke je utvrdila da je ponuđač „VINOJUG“ d.o.o. Sarajevo dostavio u svojoj ponudi broj: 7-12-1 od 07.12.2017. god., Izjavu ponuđača – Aneks 2., ali ne u skladu sa zahtjevom iz tenderske dokumentacije.

Naime, Komisija za javne nabavke je utvrdila da ponuđač „VINOJUG“ d.o.o. Sarajevo u Aneksu 2. tenderske dokumentacije – Izjava ponuđača, nije zaokružio pod tačkom 4., opelju 4.1. ili 4.2., odnosno da li ima ili nema namjeru podugovaranja, što ovu ponudu čini dodatno nepotpunom i nekvalifikovanom za dalje učešće u predmetnom postupku nabavke.

Komisija za javne nabavke je konstatovala da ponuđač „VINOJUG“ d.o.o. Sarajevo nije vlastoručno potpisao izjavu - Aneks 7., mada je ista ovcjena od strane nadležnog organa.

Imajući u vidu naprijed navedeno, kao i konstatovane suštinske nedostatke u ponudi ponuđača „VINOJUG“ d.o.o. Sarajevo, ista je ocijenjena nekvalifikovanom, te je kao takva isključena iz daljeg postupka javne nabavke.

II Ponuđač „TP DC“ Sarajevo d.d.

1) Tačkom 7.4.2. pod b) Tenderske dokumentacije, broj: 11-1590-1/17 od 30.10.2017. godine, propisano je da se tehnička i profesionalna sposobnost ponuđača utvrđuje na osnovu sljedećih dokaza: „*Fotografije roba: za artikle iz tačke 13., 14., 15., 16., 23., 24., i 25. Specifikacije, slike formata A4 za svaki artikal posebno, u koloru sa jasnom rezolucijom, ovjerene pečatom ponuđača, čvrsto uvezane i numerisane prema rednom broju iz Specifikacije i Obrasca za cijenu ponude. Fotografija mora biti jasna da bi se njom dokazao traženi opis artikla iz Specifikacije i mora sadržavati: naziv proizvoda, kategorizacija i/ili klasa ponuđene robe, naziv proizvođača, zemlja porijekla*“.

Imajući u vidu zahtjev iz tačke 7.4.2. pod b) Tenderske dokumentacije, suštinskom analizom sadržaja dostavljene dokumentacije, Komisija za javne nabavke je utvrdila da je ponuđač „TP DC“ Sarajevo d.d., u svojoj ponudi broj: 1702/17 od 30.11.2017. god., dostavio tražene fotografije roba, ali ne na način kako je zahtijevano tenderskom dokumentacijom.

Naime, Komisija za javne nabavke je utvrdila da ponuđač „TP DC“ Sarajevo d.d. za artikle pod rednim brojem: 14. i 16., nije dostavio fotografije sa deklaracijom proizvoda, tako da se iz dostavljenih fotografija na kojima je samo vidljiv naziv proizvoda ne može utvrditi traženi opis artikla, naziv proizvođača, zemlja porijekla, na način kako je traženo tenderskom dokumentacijom.

Imajući u vidu naprijed navedeno, kao i konstatovane suštinske nedostatke u ponudi ponuđača „TP DC“ Sarajevo d.d., ista je ocijenjena nekvalifikovanom, te je kao takva isključena iz daljeg postupka javne nabavke.

Obzirom da je za otvoreni postupak javne nabavke prirodni i gazirani sokova i ostalih napitaka tenderskom dokumentacijom predviđeno zakazivanje e-aukcije, a imajući u vidu da su ponude ponuđača „VINOJUG“ d.o.o. Sarajevo i „TP DC“ Sarajevo d.d. ocijenjene kao nekvalifikovane i isključenje iz daljeg učesća u postupku, kao i da je preostala samo jedna prihvatljiva ponuda i to ponuda ponuđača „LALA I LAČO“ d.o.o. Bijeljina, to se u skladu sa članom 3. tačka 3) Pravilnika o uslovima i načinu korištenja e-aukcije, e-aukcija neće zakazivati, nego će se postupak okončati u skladu sa članom 69. Zakona.

Tenderskom dokumentacijom je u skladu sa članom 64. Zakona o javnim nabavkama kao kriterij za dodjelu ugovora utvrđen je kriterij „najniža cijena tehnički zadovoljavajuće ponude“.

Komisija za javne nabavke nije izvršila rangiranje, iz razloga što je samo jedna od ponuda ocijenjena prihvatljivom.

Obzirom da je ponuda ponuđača „LALA I LAČO“ d.o.o., ul. Prvog maja br. 14., Bijeljina, ocijenjena kao jedina prihvatljiva, a imajući u vidu da su ponude ponuđača „VINOJUG“ d.o.o., ul. Igmanska br. 2-4., Sarajevo i „TP DC“ Sarajevo d.d., ul. Rajlovačka bb, Sarajevo, ocijenjene kao nekvalifikovane i isključene iz daljeg postupka, to Komisija za nabavku predlaže prihvatanje ponude, te shodno člani 70. stav (1) i (3) Zakona, donošenje Odluke o izboru ponude ponuđača „LALA I LAČO“ d.o.o., ul. Prvog maja br. 14., Bijeljina, kao prihvatljive za

predmetnu nabavku. Cijena prihvatljive ponude bez PDV-a za period od 3 godine iznosi 40.074,30 KM, a ukupna cijena ponude sa PDV-om za period od 3 godine iznosi 46.886,94 KM.

Prilikom donošenja ove Odluke posebno je cijenjena činjenica da je Komisija za javne nabavke shodno kriterijima iz Tenderske dokumentacije pravilno i potpuno izvršila ocjenu kvalificiranosti ponuđača, te ocjenu prihvatljivosti jedine kvalificirane ponude.

Ocjenom provedenog postupka direktor KJU „Gerontološki centar“ Sarajevo nije našao ni jedan razlog nepravilnosti, niti propuste u radu Komisije za javne nabavke, koji bi eventualno bili osnov za neprihvatanje Preporuke Komisije.

Naime, ocijenjeno je da je Komisija u svemu pravilno postupila, te da je izbor ponuđača izvršen u skladu sa Zakonom o javnim nabavkama, podzakonskim aktima, Tenderskom dokumentacijom i Rješenjem broj: JN2-03-07-1-90-9/18 od 08.02.2018.godine Ureda za Razmatranje žalbi, Filijala u Mostaru. Uvidom u priloženu dokumentaciju nesporno je da je izabrani ponuđač „LALA I LAČO“ d.o.o., ul. Prvog maja br. 14., Bijeljina, dostavio prihvatljivu ponudu, sa ponudnom ukupnom cijenom za period od tri godine u iznosu od 40.074,30 KM bez PDV-a, odnosno 46.886,94 KM sa PDV-om.

Iz navedenih razloga, primjenom člana 64.stav (1) tačka b) Zakona o javnim nabavkama, Izvještaja o radu Komisije za javne nabavke i preporuke za dodjelu ugovora, broj: 11-1590-10/17 od 12.02.2018. godine, kao i Rješenja broj: JN2-03-07-1-90-9/18 od 08.02.2018.godine Ureda za Razmatranje žalbi, Filijala u Mostaru, odlučeno je kao u dispozitivu.

POUČKA O PRAVNOM LJEKU:

Protiv ove Odluke može se izjaviti žalba, najkasnije u roku od 10 (deset) dana, od dana prijema ove Odluke. Žalba se podnosi Kantonalnoj javnoj ustanovi „Gerontološki centar“ Sarajevo u pisanoj formi, u 3 (tri) primjerka.

Dostavljeno:

- 1x „LALA I LAČO“ d.o.o., ul. Prvog maja 14., Bijeljina
- 1x „IPDC“ Sarajevo d.d., ul. Rajlovačka bb, Sarajevo
- 1x „VINOJUG“ d.o.o., ul. Igmanska br. 2-4., Sarajevo
- 1x Sl.za pravne i opće posl.Geront.centra
- 1x Komisija za javne nabavke
- 1x a/a



Ismet Skoko, mr.sci.ecc.